

**IN NUPTIAS M.
ANTONIJ
BURGHESIJ, ET
CAMILLAE VRSINAE
PRINCIPUM...**

Nicola Villani



IN VAPTIAS
M. ANTONI
B. V. R. G. H. E. S. S.
ET CAMILLAE
V. R. S. I. N. A. E.

Principum Solimanis

NICOLAI VILLANI

Episcopi



VITERBII, Apud Discipulos, 1610.

Imprimatur

VIRGINEI coetus, vos ò, Par-
nassia Tempe
Qui colitis, propterquè sacras Aga-
nippidos vndas
Caltaliæ, dulces diffunditis æthere cantus
Purpureis violis, & purpureis hyacinthis
Tempora, & omnigeno prati vernantis honore
Cingite, & ad nostras vestigia ferte choreas.
Ferte pedè simul alma Venus, geminusq; Cupido,
Quæquè in Acidalio flauentes rore capillos
Abluitis Nymphæ, tuque Hymen ò Hymeneæ,
Luteolo niueas euinctus tegmine furas,
Ardentesquè manu tædas, & flammea gestans.
Vos quoquè veridicas fundentes pectore sortes,
Cum genus humanum spacium decurrere sæcli
Incipit exoriens, & vitæ lampada sumit,
Vos ò tergeminae fatalia pensa sorores
Pollice carpentes tremulo, tremuloquè mouêtes
Membra senecta gradu, niuea cum veste venite,
Auricomasquè colos, & læta oracla ferentes.
Inclyta nam virgo, forma præstante Camilla;
Vrsinæ gentis decus, & decus innuptarum,
Burghesio iuueni coniungitur alite dextra.
Quare agite in numerû plaudentes ter pede terrâ
Concinite ò pueri, dicent alterna puellæ

Hesperè quæ sūmo stellantis culmine ab Oetæ
Vidisti iuuenem terræ omniparentis in orbe,
Virtute, & pulchris florentem moribus æquè,
Tollentemquæ adeo spe pectora Romulidarum
Antiquam ad laudem, & Saturni tempora regis?

Maeste animi iuuenis, quo nō præstātor alter.
Hesperè quæ summo stellantis culmine ab Idæ
Visa tibi est virgo terræ omniparentis in orbe
Sancta tuens animi tam casto templa pudore,
Quo Latias, veteresquæ omnes Heroidas anteit,
Quæcunque ætati fecerunt nomen ab auro.

Maeste animi virgo, qua non præstantior vlla.
Illum non Pylij vincat sapientia regis,
Cum iam primæui clausisset tempora sæcli,
Non vis Alcidae rum, cum iuuenilibus annis
Pulvere Thebano magnis præluderet ausis,
Pro quibus ætherio tandem successit Olympo.

Maeste animi iuuenis, quo nō præstātor alter.
Illa Helenæ vincat speciem, cum mixta Lacænis
Virginibus virgo thyasos agitare Iaccho.
Illa etiam præstet Cretæam forma Ariadnen,
Quam quondam vndifrago desertā in litore Diæ
Tigribus auctam fulgens accepit Olympus.

Maeste animi virgo, qua non formosior vlla.
Ille velut myrtus, nitidi quam ripa Caystri
Gratam

Gratam suauiloquis progignit oloribus umbram ,
Aut sibi Hamadryades ludum, Dryadesue puellæ
Educunt quondam gelidarum aspergine aquarū,
Enitet, & liquidas fert se se in luminis oras.

Maecte animi iuuenis, quo non præstâtior alter.
Illa velut rutilus molli Narcissus in horto,
Albauè Parthenice, quam roscidus educat imber,
Aurarumq; animæ clementi flamine mulcent,
Virgineo donum capiti, aut solemnibus aris,
Os nitidum cælo tollit, pulchrumquè renidet.

Maecte animi virgo, qua non formosior vlla.
Ceus taurus quondam thyrsos perculsus amoris
Suspirat niuæ connubia prima iuuenæ:
Iamq; sylam, iamq; ingentem clamore Taburnū
Personat errabunda pedum vestigia portans:
Sic desiderijs animum deuinctus honestis
Prægestit iuuenis thalamo coniungere amores,
Virgineoque sinu Iunonia soluere vincla.

Hesperè quid cessas? iâ suscitatur æquore se nox.
Ceus quondam trepidat volucris torquata Diones,
Cum forte accipitrem vidit sub nube volantem,
Iamque petit nigra velatas fronde latebras,
Muta metu, nec iam aerias innare per vndas,
Candidaque alarum meditatur pandere vela:
Sic iuueni castos paucitat coniungere amores,
Claustraquè virginei virgo referare pudoris.

Hespere quid properas? Nō dū ruit Oceano Sol.
Talis apud Phthiam sator armipotētis Achillei
Ardebat Peleus in virgine Neptunina.
Cum superi humanis dignati accūbere mensis
Dulcia per longam traherent conuivia noctem.

Hespere quid cessas? iā suscitāt æquore se nox!
Talis ab amplexu caræ diuulsa parentis
Ibat Romano quondam tremebunda tumultu
Hersilie virgo, sibi cum fallacibus armis
Romulidum pubes connubia læta pararet.

Hespere quid properas? Nō dū ruit Oceano Sol.
Tu fuge cum tali virgo pugnare marito,
Qui te plus oculis, anima plus diligit ipsa.
Et dabit amplexus, & apīs de more Matinæ:
Gratum floridulo libabit nectar ab ore.

Vesper adest, felix ò Vesper amantibus adsis.
Tu miti alloquio iuuenis solare puellam,
Quæ non amplexus, non oscula dulcia nouit.
Sed vultus niueos concharum picta colore
Flagrantes pudibunda solo demittit ocellos.

Sis bonus, & felix ò Vesper amantibus adsis.
Iam vario thalamum fluctu conspergite odorum,
Stactæquæ Arabiæ, & nardi spicæquæ Cilissæ,
Armeniamquæ auram plenè seruantis Amomi,
Et colludentes ad puluinaria læta
Crinibus Ambrosiam teneri diffundite Amores.

Sis bonus, & felix ò Vesper amantibus adsis.

Iam vario thalamum nimbo conspergite florum
Liliaquè inuersis demittentes calathifcis,
Mixtaquè purpureis vaccinia nigra amaranthis,
Et colludentes ad puluinaria læra

Crinibus ambrosium Charites diffundite rorem.

Sis bonus, & fœlix ò Vesper amantibus adsis.

Scandite iam tandem genialia fulcra metallo
Splendida regifico, solidoquè polita elèphanto,
Et ludo insomnem iuuenes traducite noctem,
Dulciter & fessos videat Matuta recurrens.

Ludite casta bonis gaudet Cythereia ludis.

Iam premite ò iuuenes Tyrio saturata veneno
Strata tori, & picta in plumam Babylonia texta.
Et ludo, & molli noctem traducite somno,
Dulciter, & positos videat Matuta recurrens.

Ludite, casta bonis gaudet Cythereia ludis.

Quis ludi numerum vestri subducat amantes?
Ille prius numeret, quot millia multa volucrum
Aëra concelebrant vacuum, quot muta natantū
Sæcula squāmigerum proscindūt æquoris vndas,
Terra feras, magnus quot pascit sydera mundus.
Ludite, casta bonis gaudet Cythereia ludis.

Ille prius numerum bibulæ subducat arenæ,
Quam Notus arenæ subuertens concitat vnda,
Extremos inter vicino Sole perustos
Niligenas, & laerpificeram Berenicen,

Quam

Quam veltri numerare queat tot millia ludi .

Ludite, casta bonis gaudet Cythereia ludis .

Ocyor & ceruis, & fluminis agmine pronò ,
Quodque phætretrigeri iaculum torlere Cydones,
Annorum decor, & viridis præteruolat ætas .

Ludite, dum vobis annorum tempora vernant.
Ocyor & ventis, & pennipotentibus aurei
Solis equis, trifidoq; igni, quem Iupiter altis
Nubibus increpuit, viridis præteruolat ætas .

Ludite, dum vobis annorum tempora vernant:
Omnigeni flores rigidis moriuntur in agris,
Circius vt gelida veniens bacchatur ab Arcto .
Omnigeni flores lentis oriuntur in agris,
Cardine ab occiduo cum murmurat aura Fauoni.
At nobis cum verna semel defloruit ætas ;
Aeternas ducendum hyemes , annosque niuales .

Ludite, dum vobis annorum tempora vernant.
Serus in Oceano Sol mergitur Atlantæo ,
Aurea præclari subducens tela diei .
Mane sed Eois idem caput exerit vndis ;
Et croceam terris iaculatur ab æthere lucem .
At semel , vt nobis vitæ lux occidit alma ,
Ferreæ perpetuum nox est ducenda per æuum .

Ludite, dum vobis ætas nitidissima fulget .
Iam vestro è ludo nascatur paruulus infans ,
Qui formosa suæ complexus colla parentis

Brac-

Brachiolis teneris , tenera ceruice reflexa ;
Rideat ad patrem diductis dulcè labellis .

Eia age fer nonū properanter Delia mensem .
Iam vestro è ludo nascatur paruulus infans ,
Qui matris vultus , qui reddat imagine patris .
Et mox incipiat risu cognoscere matrem ,
Rideat , & patri, pater & cui rideat ipse .

Eia age fer nonum properanter Delia mensem .
Aurea nascatur vestro de semine proles ,
Quæ magnis animi mentem virtutibus aucta
Priscorum referat præstantia facta parentum .

Nec decus in terris maius vaga sydera cernāt .
Aurea nascatur vestro de semine proles ,
Quæ maiora fide priscorum facta parentum
Adprobet, egregiosq; super generi addat honores.

Nec decus in terris maius vaga sydera cernāt.
Nascatur vobis magni mens prouida patris
Martigenæ, pietasquè Numæ, nascatur & ingēs
Gloria, Burghesiæ quæ profert nomina gentis
Aestiferos vltra flexus, gelidosquè reflexus
Solis, & extremi circumuaga cærulæ ponti.

Nec decus in terris maius vaga sydera cernāt.
Nascatur vobis magni mens prouida patris
Dardani , & Aenææ pietas, nascatur & ingens
Gloria, quæ profert solui metuentibus alis

Vrsi-

Vrsinæ decora alta domus confinia præter
Lucis & extremi circumuaga mœnia Cæli.

Nec decus in terris maius vaga sydera cernāt.
Burghesiam gentem qui non nouere recessus?
Nobile semideum genus alta ab stirpe parentum,
Ausoniæ columen, quo non præstantius vllum
Iustitiam colere, & populos frænare volentes
Inclita Dardaniæ clauferunt mœnia Romæ.

Non decus in terris maius vaga sydera cernūt.
Vrsinam gentem qui non nouere recessus?
Nobile Scandiadum genus alto à sanguine regū,
Sæpe quod inuictos pugnando contrudit hostes,
Horridaque Ausoniæ defendit bella, manuque
Dardaniæ fulsit nutantia moenia Romæ.

Non decus in terris maius vaga sydera cernūt
Burgesium titulos, trabeataque nomina fando
Vincere quis possit? canæ quis prouida mentis
Consilia, & iustas leges, vitamque seueram;
Atque afflata Deo diuini pectora Pauli?
Quem sacra tergeminiis redimitū tempora vittis,
Magnorum & regum primū, primoque secundū
Ab Rege ætherio, metuunt Acherusia templa,
Terra colit supplex, & maximus optat Olympus.
Non mihi gurgitibus septem si magnus ab ore
Proflueret Nilus, mentemq; impleret Apollo,
Esse

Esse queam satis ad tantæ præconia laudis :

Non decus in terris maius vaga sydera cernūt
Vrsinos proceres meritis quis tollere possit
Laudibus ? egregiam bello, & victricibus armis
Progeniem, quæ iura viris, legesque rogauit
Ausonijs, lauro quondam, & Dodonide quercu,
Tergeminaque adeo crines euincta tiara.
Carmine Pierio digne quis tollere possit
Vrsinos proceres, quis nunc Saturnia floret
Terra viris, magnoque parem se iactat Olympo ?

Non mihi si dulces afflaret suada loquelas,
Si linguæ centum, si vox adamante sonaret,
Non ego sim satis ad tantæ præconia laudis .

Non decus in terris maius vaga sydera cernūt
Vos igitur talem iuuenes procudite prolem,
Ingentem, egregiam, cuius velit orbis vterque
Legibus, imperioque premi, nec iam amplius alto
Inuideat sublimem arcem, & sua lumina Cælo .

Nec decus in terris maius vaga sydera cernāt.
Vos propagando talem procudite prolem
Magnanimi heroes, quam bello; & fortibus ausis
Aeternis dignam imperijs, iustique potentem
Inuideant nobis cœli fulgentia templa .

Nec decus in terris maius vaga sydera cernāt.

Desinite

Desinite ò tandem pueri , innuptæq; puellæ
Foelicem alternis noctem mulcere Camœnis .
Et iam dulcis Hymen primæ post aspera pugnae
Prælia , concordi certamine iungit Amantes .

FINIS.

